

Suliaq nr	KOM 10-1032	Ilaliussaq nr.	002	Journal nr.	
Pineqartoq	Assartuussineq pillugu Isumalioqatigiissitap pissusiusinnaasutut takussutissiai pil-lugit tusarniaaneq				

Eqikkarnera:

Assartuussineq pillugu Isumalioqatigiissitap qinnutigaa pissutsit pingaarnerutitat sisamat nutaamik allaati-gineqarnissaannut ilanngussaqaarnissaq:

- Kommunini inoqarnikkut allanngoriartorneq.
- Inuussutissarsiutigut siunissami ineriartortitsinissamut kommunit naatsorsuutigisaat.
- Misissueqqissaarnermi periaatsit isumalioqatigiissitap ingerlanniakkanut atorniagaat qanoq isigineqarnersut.
- Ingerlanniakkat suut nalunaarusiami ilanngunneqartussat nalunaarsornerat.

Suliap saqqummiunnera:

Tusarniaanermi akissuteqaarnissamut piffissaliussaq sivikeqimmat pissusiusinnaasutut takussutissiat siulliit marluk suliamik saqqummiussinermi illersorneqaarsinnaasumik misissuataarneq ajornarput. Pisortaausut aalajangersimapput Qaasuitsup Kommuniani siunissami imminut napatittumik aningaasarsiornikkut inger-latsilernissaq pillugu Greenland Venture’ip nalunaarusiaani inerniliunneqartut Assartuussineq pillugu Isumalioqatigiissitamut innersuunniarlugit.

Inoqarnikkut allanngoriartornerup kommunimut nassatarisassai nalunaarusiami eqqartorneqartutut oqaa-tigineqaarsinnaapput, pingaartumik utoqqaat amerlinerisa pilersuisussallu amerliartuutaasa tamanna peqa-tigalugu ikinnerulernissaata nammagassiissutinik annertusititsinissaat.

Nalunaarusiaq inuussutissarsiutinut tunngatillugu innersuussuteqarpoq nuna tamakkerlugu suliniarnissamik pisariaqartitsisumik, pingaartumik ilinniartitaanerup tungaatigut, tamatumani ingerlatat kinguaariit tullinut nuunneqarneri ilanngullugit, tamatumani ilinniartitaaneq salliutinneqarmat, meeqqallu atuarianniit naammassiniariarluni erniinnaartumik aalisarnikkut aningaasarsiulernissaq pineqarani.

Misissueqqissaarnermi periaatsit assartuussineq pillugu isumalioqatigiissitap siunnersuutigisai eqqarsaatiga-lugit pisortaausut isumaqarput taakkua peqqissaartumik misissuinerussasut aalajangiinissamullu patajaatsumik tunngavissiissallutik. Misissueqqissaarnerilli aamma pissutsit ataatsimut isigalugit ingerlaarfiit atortulersuu-tillu ataasiakkaaginnaat pinnagit isummorsorfiunissaat pingaartuuvoq.

Ingerlanniakkat sapinngisamik amerlanerpaat misissueqqissaarnissani ilanngunneqarnissaat pisortaausut pi-ngaartippaat, tassami Qaasuitsup Kommuniani angallannerup aqqissuussaana nunaq immikkoortuini alla-ni taamaattunit katitigaanerullunilu ukiup immikkoortuini assigiinngitsuni allanngorafiunerummat. Ingerlas-sassat assartuussineq pillugu isumalioqatigiissitap ilanngutilersaagaasa saniatigut qulimiguullit umiatsianil-lu angallassinerit akuleriissillugit ingerlatsinerup ilanngunneqarnissaa pingaartuuvoq. Matumani eqqarsaati-gineqarneruvoq umiatsiat juunimiit minnerpaamik september ilanngullugu Uummannaq Upernavimmilu qulimiguulinnut taartaasutut atorineqarnerat. Uummannaq eqqarsaatigalugu ikaartaatitut taaneqaarsinnaasut atorlugit aasaanerani angallassineq ilanngullugu misissueqqissaarneqartariaqarpoq.

Inassuteqaat.

- **assartuussineq pillugu isumalioqatigiissitap misissueqqissaarnerni periaasissanik saqqummiussaa akuerineqassasoq**

- **pissusiusinnaasutut takussutissianut atatillugit misissorumaneqartunut ilassutigineqassasoq Upernavimmi Ummannamilu aasaanerani timmisartut/umiarsuit (umiatsiat) akuleriissillugit atorineqarnerisa misissorneqarnissaat**

Ilaliussatut takussutissat:

1. Pissusiusinnaasutut takussutissiat assartuussineq pillugu isumalioqatigiissitameersut.
2. Ilaliussaag allaatigisanik allanik imalik.

Aalajangerneq:

Inassutigineqartutut akuerineqarpog.

Inussiarnersumik inuulluaqqusillunga/Med venlig hilsen

Adm. Direktør

Henrik Rafn
Qaasuitsup Kommunia
Postboks 1023 - 3952 Ilulissat - Grønland

Telefon: (+299) 701100
Direkte: (+299) 946131
Mobil: (+299) 545477
E-mail: hr@qaasuitsup.gl